

Organizacija Ujedinjenih nacija za obrazovanje, nauku i kulturu (UNESCO) raspisala je konkurs za dodjelu nagrade Hamdan Bin Rashid Al-Maktoum, koja se dodjeljuje za izvanredne prakse i rezultate u unapređenju efektivnosti nastavnika. Fond nagrade iznosi trista hilajda dolara, a raspoređuje se na tri kandidata/kandidatkinje.

Nagradu je ustanovio šeik Hamdan Bin Rashid Al-Maktoum 2008. godine. Dodjeljuje se svake druge godine, naredne godine biće dodijeljena po peti put. Dosadašnji dobitnici su jedanaest laureata iz različitih regija u svijetu.

Nagrada je usmjerena na poboljšanje obrazovnih praksi širom svijeta, dok je prioritet dat zemljama u razvoju i marginalizovanim i diskriminisanim zajednicama. Nagrada se dodjeljuje kandidatima/kadnidatkinjama koji su dali izvanredne doprinose u aktinovstima namijenjenim nastavi, u cilju unapređenja kvaliteta i uslova učenja. Nominovani kandidati/kandidatkinje mogu biti predstavnici institucija ili organizacija, međunarodnih ili nacionalnih vladinih ili nevladinih organizacija, obrazovnih i istraživačkih institucija, kao i predstavnici lokalnih, nacionalnih ili regionalnih zajednica.

Nominacije se dostavljaju posredstvom Crnogorske nacionalne komisije za UNESCO ili nevladinih organizacija koje imaju formalo partnerstvo sa UNESCO. Neophodna dokumentacija i više informacija nalaze se na linku www.ha.ae a nominacije je potrebno dostaviti na e-mail milica.nikolic@mku.gov.me najkasnije do 30. septembra 2017. godine.